



## 守護

人講个「六月火燒埔」，今年正經係怎樣，熱到異罈擺！頭擺个人，耕種較多，較熱乜講「六月天公，家神牌會停動」，連阿公婆都想愛跳下來掃做事地，人間人哪敢推懶？這下个人，食頭路較多，外背熱，僇就在屋下吹冷氣，哪使等「六月天公腳痛」正有好偷笑？

毋過，有人冷氣吹等還係心野野仔望等山頂个自然風，大半夜，湊佢騎奧多拜去復興鄉。騎過大溪，街路項無麼个人行地，毋過，路燈照到街路光華華仔！到頭寮轉幹，路無恁光地，還過，仰比山下還較恬風？騎過慈湖，一時間就清冷起來，有感覺著涼意哦！油門催上百吉，頭前个人講：「喲，愛著加一領衫正做得！」佢兜，就同奧多拜停在路脣。

一臺派出所駛往上个巡邏車，定定仔駛上來，在佢兜个頭前略略仔頓恬，掌等佢兜。該當時，四圍一片恬靜連山頂个蟲雀怕乜睡到昏昏地，奧多拜脣个兩儕同巡邏車肚个兩人全無相識、乜無對話，毋過佢知，佢兜係愛確定佢兜係毋係車仔壞忒？還過守護佢兜，莫分半夜飆車吞往下个車仔嚇著、碰著！

確定佢兜無事情過後，佢兜正駛上頂高个派出所，幾分鐘仔過，佢兜乜經過百吉派出所地，佢看向左片个派出所還過頭下該臺巡邏車，在心肝肚同佢兜承蒙，用虔誠个目光同佢兜感謝，一直到吾頸根無法度過偏个角度為止。

十過年前，佢去長庚照顧吾姆，斷烏地，一儕人駛等車仔在高速公路，愛轉屋下渡細人仔，乜識分警察車攔下來。警察車對後尾逐過來，超過吾車仔、停在頭前个路脣，一個後生警察煞煞下車，險險都跳到路項地，來攔佢。「小姐，若車仔个兩片車尾燈都無著，你知無？」「正經哦？佢毋知。」「恁久，發生盡多車尾燈毋會光，分後背个車仔撞著个車禍哦，盡危險！」因為這位溜啊下，係林口大崎；吾車尾燈好好个時節，都還識分人撞過一擺咧。

「你愛到哪？」「桃園」「好，你駛頭前，定定仔，毋使緊張」佢兜守護佢下交流道，看佢駛到桃園市區光華華个街路，又正駛倒轉高速公路，繼續上班。雖然，佢連這兜警察先生个面容乜毋識看真過，毋過，佢真心感謝佢兜个守護。記在心个感謝，乜鼓勵佢去守護別人，希望相識个人、毋相識个人，都做得感受著該種正面个力量。

作者：彭瑞珠

### ☆詞彙學習☆

【六月火燒埔】liug` ngied fo` seu` pu`：農曆 【心野野仔】xim` ia` ia` e`：分心其他事。

六月時天氣又乾又熱，像火燒大地一樣。 【碰著】pong` do`：撞擊到。

【罈擺】la bai`：足夠。

【斷烏地】ton` vu` e`：天黑了。

### ☆文法學習☆

【溜啊下】liu a ha`：順著坡度往下滑。V+啊+方向，表動作向著某個方向進行。

例 1：對這位蹶啊上，就會看著玉衡宮。（從這裡往上爬，就會看到玉衡宮。）

例 2：佢正行啊出，你就來！（他才剛走出去，你就來了！）